

84113

在文川网搜索古籍书城 获取更多电子书  
入册  
docriver 文川网  
古籍书城

中國方志叢書·華中地方·第三二九號

據清同治楊廷烈纂修  
影印

湖北省

# 房縣志



成文出版社有限公司印行



SK4117

中國方志叢書·華中地方·第三二九號

據

清同治四年刊  
清楊廷烈纂修本

影印

湖北省

# 房縣志

(二)

成文出版社有限公司印行



\*10096951\*

514157

中國方志叢書·華中地方·第三二九號

據

清同治四年刊本  
清楊廷烈纂修

影印

湖北省

# 房縣志

(三)

成文出版社有限公司印行



\*10096782\*

docsriver 文川网  
入驻商家 古籍书城

在文川网搜索古籍书城 获取更多电子书

中華民國六十五年 月壹一版

房 縣 志 全三冊

發行人：黃 成 助

出版者：成文出版社有限公司

台北市郵政信箱二二六〇五號

台北市羅斯福路三段二四〇巷五號

印刷者：成文出版社有限公司

內政部登記證內版台業字第一一四七號

房縣志序


鄖郡古之糜唐國也明成化朝都御史原公傑奏建爲  
府所屬房縣南通川陝北控漢東連襄鄧西接金商  
縱橫千里山林四塞其地固宜名於春秋以名縣春秋  
傳楚成王心敗糜師于防渚卽其地也漢時始建房陵  
縣歷五代而下建置沿革名各不同唐中宗廢爲靈陵  
王遷居房州築城于此自漢以來數千百年其間忠臣  
孝子畸倫名流代不乏人而志乘闕如誠哉古者之憾  
也且凡志書之作首在辨區域徵因革知變而察風土

俾官斯土者得以披覽蒐求而奏保障秦關絲課最于  
是乎在焉縣志舊刻已多年失遺而地理人物之軫軫  
耳目者載在郡志亦多未詳爲治者欲其合民情宜土  
俗將何自而求之東魯楊君子揚以名進士來宰是邑  
慨然任修輯之責延余友嘉定郡君小晉綜其成旣脫  
稿索序于余維時狼突中原邊陲孔棘余掌鑰西鄙甫  
及一年茲又奉檄漢東驪歌已唱羽書絡驛行李戒途  
余本不交奚以塞責顧以義不可卻且以是書之輯有  
裨於邑之政教者功匪淺鮮梓成而爲之序亦余所願

也爰綴數言以爲識

同治四年歲次乙丑嘉平月上浣湖北安襄鄖荆備兵  
使者仁和王文韶書於襄陽官廨





原序

志者史之流也微成敗存與替可以識因革損益之宜  
標阨塞險固可以識在國節制之方紀賢能著循良  
可以識黜陟作人之要考厥類綜數文章可以識培  
養蕃殖參贊位育之功用以恢

呈圖而展

帝緯志固國之大典也豈僅於山川之蒼莽人物之班次風  
土之沿革草木蟲魚之蓄產博搜廣採拾奇掇異侈談  
富饒矜詫雄鉅以供藝苑之筆資文人之粉黛也哉故

寰海之內邑爲載郡爲紀更復有風土之記方域之考  
各卽其耳標目涉之事筆而存之網羅舊聞以徵信當  
時要必囊括而無挂漏與確而無僞舛乃爲良志是志  
之所繫綦重而房之志則成之有甚難者蓋房之由來  
尙矣不溯其源雖志猶弗志也上溯而遞考之則世代  
編遞疆域遼廓與籍散失而無可考驗故老陵夷而莫  
或覩記蒐討散見又非日月可以課成者

國家一統之規欲求其真舊遠畝之業兼么麼新蕩當  
事者必善其遷定安戢之謨余今旣承之是邦亦當此

以識其風土人情得其舉政之西莫是志之重且亟也然  
非才慧之所能創強博之所能備一二載籍之所能蒐  
考參稽徒購遺書於滄桑之後罔獲全璧斷簡殘編弗  
可資爲夜光照乘之寶乃進諸生而語之曰履巨屨者  
識地形不出戶者知天下余政牘蝟冗不暇操鉛槧手  
自裒輯二三子生長於斯宵不稔山川風土惟楚有材  
卽凋落之餘豈遂無具瑰璋之識負宏通之學若巨骨  
出異隼集陳疑黃熊入寢亥有二首記憶於平時取捷  
於猝辨嘻笑聲稱增光一邑者乎蓋爲我參考舊聞附

益新實共舉是集不惟有功於房且以徵二三子之識  
第督檄嚴促其計日以就以報上命諸生唯唯宵晝從  
事故不及綜覽咨諏草木再易不無踳駁牴牾離合異  
同之病如求其無挂漏而囊括無僞舛而典確可以恢  
皇圖而展

帝綍則以俟夫繼輯者

康熙五年丙午仲春朔知房縣事古臨傅六吉

乙丑春初綴廡秉鐸來房入其境萬山嵒磴林壑邃密  
知爲幽遠險僻之區昔堯子丹朱避舜房陵舜封爲房  
子國厥後歷秦漢唐以罪廢者皆遷徙於此顧其地爲  
周尹吉甫食采邑又有漢黃文疆古蹟士人嘖嘖稱爲  
忠孝里誠哉地以人傳也麟課士之暇竊嘗考其山川  
人物風土流風餘韻猶有存者時楊子揚明府蒞茲士  
奉檄催脩邑志明府引爲已任延江左郁君小晉秉筆  
屬藁邑庠生劉元棟等相與叅互考訂網羅散佚越十  
月而書成付刊都轉王公夔石太守陳公達甫并言簡


端麟亦何容贅一辭哉第念麟與陳喜臣廣文俱有監  
督之責例得挂名其間不能不一言以誌幸也按志古  
例合三十年一脩房志明板燬於兵燹我

朝乾隆五十九年汪魁儒明經增輯沈志逮今歷七十餘  
載雖山川不改城郭依然而關隘津梁睥睨基址因革  
變遷又其間天時人事遞嬗廢興年遠人湮鮮所記載  
舊抄未經刊定魯魚帝虎舛誤良多是房志之纂輯有  
難於他邑者今以百年來未竟之事得樂觀其成所願  
邑人士勉爲忠孝爲志乘光用彰

聖天子同軌同文之化則是書之成固爲明府慶抑亦邑人士之幸也是爲序

同治五年歲次丙寅仲夏月房縣儒學教諭劉紱麟謹





docsriver 文川网  
入驻商家 古籍书城

在文川网搜索古籍书城 获取更多电子书

余奉

命典鄖郡之明年楊子揚明府出宰房陵抵郡來謁接其言  
恂恂樸訥無世俗叫囂僂巧之習心竊憇之閱半載以  
纂輯房志彙成問序於余余維古侯封百里春秋時大  
國多至數圻楚至戰國兼併尤大北接雍豫南逾五嶺  
東抵揚州之域西達梁州及西南夷等處皆爲楚地我  
朝幅員式廓海隅山陬罔不式化而歸版籍自湖廣分南  
北而房止爲鄂省一隅界與巴蜀秦隴毗連萬山崑崙  
林深菁密幽閒遼負曼衍幾及千里昔時與二竹輿保

統謂之巴山老林荆襄流民匪徒往往竄伏於此爲負  
隅之區官斯土者撫字有所未浹而怨咨旋生成嚴有  
所未懾而奸宄易起洞燭有所未周而弊竇叢滋自非  
熟悉風土人情寬猛相濟烏能勝其任而愉快乎子揚  
以山左名進士來治邊隅以儒術飾吏治出其平日所  
學發抒經濟行見百廢具舉懋登上理寢寢乎與漢循  
吏同風是書之成政治之得失於是乎見豈惟徵文考  
獻以備一方掌故云爾哉昔朱子爲祁縣所至必求其  
圖經斲之以習知其方土之故余鄉明季王元美徐叔

明兩先達先後以都御史撫治鄖政績卓炳史冊元美  
在鄖闢清美堂購書數百卷貯其中以誘後進有四部  
稿史料諸書行世叔明著述尤夥鄖志創於明正德初  
甚闕畧公延襄藩樞曹周紹稷纂脩頡爲改觀湖廣通  
志亦經手訂見史料有文集百餘卷見錢牧齋詩選小  
序梓鄉父老猶有能言其軼者余禱昧無能謬膺領郡  
適值鄉先達舊治之地竊欲追維前軌景企芳徽願與  
僚屬共勉之可乎特因房志之成附一言於簡端子揚  
其違余言否

同治四年冬湖北鄖陽府知府前翰林院庶吉士刑部  
雲南司郎中嘉定陳壽圖撰

# 房志原序

按房縣志序康熙五年前任臨川傅君所修也中更亂今底定纔三十餘年兵燹之餘遺編猶存尙有典型其事紀一篇倣古編年之法自唐虞三代以迄

國朝三千餘年沿革盛衰災祥得失之故靡不詮次瞭然如指諸掌有功於房不細而志後三十年當時

王師用武虎臣宣力出奇制勝與夫鮮民還定之初吏蹟勞來未登邑乘其何以導揚鴻烈蕃諸無窮又況風俗土宜經營措置圖計之盈縮民生之休戚時異勢殊所

宜參稽而詳核之者誰秉邑鈞而任其隕越乎哉顧余不敏備員嚴邑簿書期會歲月載征每以俗吏自愧今且計日俟代不暇及房志矣邑紳士謬謂余可教及余未去相與亟修縣志爲請余嘉其意而難其事疑未可且夕辦也未閱月書成而來請序讀其書則三十年間國家文德武功會計民生損益異同亦既詮次瞭然足以紹前聞貽後觀二三子之力信勤而敏矣余又奚以贅焉雖然余令房者九載稔知其風土之概因地制宜雖將去而丁寔反覆誼有不容已者維房治僻在萬山舟




車不通商賈罕至民祇力田自給耕則得食不耕則  
得食故府吏胥徒請得在官一日黷不啻得十年之  
傳云一夫不耕一家有受其飢者獨此地爲甚長吏見  
民無竒策惟勿奪其田時而已故常減其征徭公何之  
役非始冰弗舉焉訴訟者詞朝入不待暮而出每爲長  
惜寸陰出於誠然不自知其勞也維正之供小民負米  
數百里外易金而輸東作方與催科孔聖民不賜道出  
則苦敲扑而舉數倍之債以償故每當定限及年之期  
特緩其迫呼俾得盡力於南畝而士民亦能交相體愛

歲嘗及額山田多苦旱民引溪流而築之渠藉以灌溉  
春陽既浮歲歲增治一隅之民各修其一渠通力合作  
或稍頑惰一不即工衆遂束手渠廢而菑稿矣渠既成  
分其田爲上中下畝受水晝夜有程稍不平相挺擊者  
踵而至甚至決渠以快小忿此築渠均水之法不可不  
留意而房邑軍民雜處徃時軍戶遠輸於襄陽衛徃返  
一千四百里跋涉維艱余上其事於前少參張公今太  
守衛公達之前都御史楊公使衛設櫃於縣衛督司其  
入籍軍戶得就縣自輸歲五月十月彙給衛督兩輸襄

循行之數年民盡稱便後雖弗憚煩時加綜理可以  
久無弊嗟夫余且行矣還念父老子弟豈敢以自詡爲  
嫌因三三子請序房志附論及之庶幾舊政必告之義  
云爾若夫教化興行吏治循卓舉三三子之所釐定付之  
剏刷勒爲成書則以俟夫君子

康熙三十四年夏知房縣事沈用將題

卷之二



淮南府志續編

齊志注序

房陵古地忠孝名區參柳分野係梁州之故域楚秦交  
錯實糜子之遺封峻險突深房以爲名魏興光遷代名  
有號城依盧陵舊址池引沮澤支流形勝雄偉據西南  
之要塞山川秀拔挺東北之奇觀若印山若鳳岑飛翔  
軒翥嶽嶽秀擁鬢宮若粉水若激澥蕩漾淵涵曲曲珠  
穿銀線景山連定阜而居荆之首沮水配江漢而爲楚  
之望地因人顯愈云襄子封國蹟以異傳咸曰帝在房  
州蕭蕭杉檜周太師之采邑鬱鬱松篁漢尚書之故里

朱園碩果縹李夙聞房山錦雞琳瑯有賦物產頗侈食  
貨恒減風紹幽岐之舊男也耕女也織亦勤亦儉俗乃  
成康之遺蠹者田秀者學且稼且讀舟楫不通引流灌  
漑而給衣食供賦以外琴瑟擊鼓而祝豐年闢堡星羅  
鋪舍侈置古蹟厯厯半埋沒於荒煙蔓草坵墓嶮嶮亦  
間傳有帝寢王陵梵宇幽刹惟見霧封雲鎖放置流寓  
無非玉葉金枝其名宦也召父杜母嗣徵先後其鄉賢  
也三錫爰桂炳耀一時貞烈繼出振闡闡之正氣仙釋  
服鍊華川嶽之精英嗟嗟兵燹之後民其流離寔定之

docsriver 文川网  
入驻商家 古籍书城

在文川网搜索古籍书城 获取更多电子书

餘事鮮由舊鳴乎盛衰天也否泰人也由盛之衰物  
之循環不來回否爲泰有位之幹旋非輕物極則返消  
息弗差自茲以往沐膏雨而被和風飭五品而訓親睦  
禮樂交輝人文蔚起宣布

聖化以

乾隆五十三年戊申春邑貢生汪魁儒識



